

八瓊室金石補正

八瓊室金石補正卷七十六

男 繼輝校錄

太倉陸增祥撰

吳興劉承幹覆校

唐 四十八

福田寺三門記

咸通三年九月十一日
萃編載卷一百十七

生敬

缺敬

頗變星紀

缺變星
二字

鴻鴈

缺鴈

大師

缺大

僧令從

令從誤
會增

王氏富春郡孫夫人墓志

高八寸四分廣一尺十二行行
八字字徑五分正書在南海

唐咸通元年閏拾月拾伍日

富春郡孫夫人從 夫王氏之任湖州程鄉縣令時

夫人邁疾終於官舍享年四十七歲卜兆未利權設殯
筵泊叁季歲次壬午玖月拾捌日啓葬於廣州南海縣
四望亭後崑廬陵谷變遷刻石紀尔

集賢直院官程修己墓誌

方一尺七寸世行世字字徑
四分正書篆蓋未見在咸甯

唐故集賢直院官榮王府長史程□墓誌銘并叙

鄉貢進士溫憲撰男進思書男再思篆蓋

程氏之先出自伯林甫其後程嬰春秋時存趙孤以節
義稱故奔世有令聞 公諱修己字景立曾祖仁福左

金吾衛將軍祖鳳發州文學父儀蘇州鹽博士公幼而
學固通左氏春秋舉孝廉來京師遊公卿名人間能言
齊梁故實而於六法特異稟天錫自顧陸以來隻絕獨
出唯公一人而已大和中陳丞相言公於

昭獻因授浮梁尉賜緋魚袋直集賢殿累遷至太子中
舍凡七爲王府長史趙郡李宏慶有盛名常有聞鷄擊
其對傷首異曰公圖其勝者而其對因壞籠怒出擊
傷其盡李撫掌大駭昭獻常所幸犬名盧兒一旦

有樊蓋之歎上命公圖其形宮中畋犬見者皆

俯伏上寵禮特厚留於秘院凡九年問民間事

公掛口不對唯取內府法書名盡日夕拍撻利病

上又令作竹障數十幅既成因自爲詩命翰林學士陳

夷行等和之盛傳於世公於草絲亦精口章陵

玉冊及懿安太后謚冊皆公之書也丞相衛國公

聞有客藏右軍書帖三幅衛公賄以千金因持以示

公公曰此修已給彼而爲非眞也因以水濡紙挾起

果有公之姓字其爲桃杏百卉蜂蝶蟬雀造物者不

能爭其妙於其際仍備盡法則筆不妄下世人有得

公片迹者其緘寶就託于方古昔公嘗云周侈傷其

峻口口張口口其澹張太盡之其唯韓乎又曰吳佐逸

元通陳象似幽志揚若痿人強起庭許若市中甯食現

性夷雅踈澹白皙美風姿越郡李遠見之以爲沈約謝

朏之流大中初詞人李商隱每從公遊以爲清言元

味可雪緇垢憲嚴君有盛名於世亦朝夕与

公申莫逆之契高遊勝引非公不得預其伍公又

爲□□□畫毛詩疏圖藏于內府以咸通四年二

月一日遘疾歿于昭國里第享年□十九先娶葉氏有

子三人長曰進思鄜州甘泉主簿次曰退思品致尤高

妙与公迹殆相乱又其次曰再思於小學□不通工

篆權其□狀澹古道健後娶石氏有女二人長適滑州

韋城縣尉景紹一女幼石氏亦先公而亡以其□□

月十七日葬于京地府萬年縣姜尹村憲嘗為詠蛺蝶

詩公稱其句因作竹暎杏花盡三蝶相從以寫其思

其孤以憲辱公之眚因泣血請銘銘曰

五曜垂晶羣山降靈鍾茲間氣瑞我昌庭遇

物生象乘機肖形情通眇緼思入微冥顧陸

遺蹤賈張舊轍芳塵窈窕妙迹蕪絕故筆空

存神毫永輟千齡万祀慘澹夷滅

修已為畫苑名家而圖畫見聞志圖繪寶鑑諸書皆

闕而不載惟杜荀鶴松窗雜記載開元中有程修已

者善畫元宗問牡丹詩誰爲首出對以中書舍人李
正封詩曰國色朝酣酒天香夜染衣上嗟賞移時誌
載修已卒於咸通四年上距開元末年凡一百二十
二年杜記時代亦似未確修已事蹟見朱景元唐朝
名畫錄修已冀州人此誌未載其鄉貫名畫錄云祖
大厯中任越州醫博士父伯儀誌云祖鳳婺州文學
父儀蘇州醫博士所載互異以誌爲確名畫錄云周
昉任越州長史修已師事之凡二十年盡得其妙應
明經擢第誌僅載其舉孝廉來京師以待詔畫院得
官則非以科第進也名畫錄云大和中文宗好古重

道以晉明帝朝衛協畫毛詩圖草木鳥獸古賢君臣之像不得其真遂召修已圖之皆據經定名任意採掇由是冠冕之製生植之姿遠無不詳幽無不顯又嘗畫竹障於文思殿文皇有歌云良工運精思巧極似有神臨窗時乍覩繁陰合再明一作臨窗忽覩繁陰合再盼真假殊未當時在朝學士等皆奉詔繼和二事與誌同不及名畫錄之詳撰志者爲詩人溫庭筠子憲志云大和中陳丞相謂陳夷行也然夷行之相在開成三四年非大和中夷行及李商隱唐書皆有傳李遠字求古大中建州刺史新書藝文志有集一卷昭獻文宗廟

號章陵文宗陵名懿安太后憲宗后郭氏也丞相衛
國公武宗時宰相李德裕也修己所評諸畫家周昉
張萱韓幹皆長安人防萱以人物勝幹以畫馬名吳
道子善畫鬼神楊庭光與道子齊名善寫仙佛像許
琨開元中以畫人物名皆見歷代名畫記志中世字
凡三見皆不缺筆惟蝶葉二字仍改葉作采是志磨
泐過甚幾不可讀今細爲審識所缺者才數字耳昔
人云思誤書亦是一適錄畢爲暢然者久之

古誌
石華

按程修己畫名盛著以陳夷行薦受知於文宗歷文
武宣懿四朝凡三十餘年開成四年八月葬文宗元

聖昭獻孝皇帝於章陵大中二年十一月葬懿安太
皇太后郭氏於景陵皆奉詔書冊工草隸筆跡幾與
右軍相亂又與李商隱溫庭筠交遊時有沈約謝朓
之目則固善書能詩藝兼三絕不獨擅長六法已也
朱景元唐朝名畫錄程修已列妙品第四冀州人祖
大厯中仕越州醫博士父伯儀少有文學畫東封圖
爲時所寶修已兼工寫真人物鞍馬花卉草木鳥獸
古賢士女眞仙佛像山水竹石與志詳略互異又名
賢畫錄唐大和中文宗好古重道以晉明帝朝衛協
畫毛詩圖草木鳥獸古賢君臣之像不得其眞召修

已圖之皆據經定名任意採掇由是冠冕之製生植之姿遠無不詳幽無不顯志所謂畫毛詩疏圖藏於內府是也列泐處當即昭顯二字全唐詩文宗題程修已竹障注云修已冀州人學周昉畫嘗畫竹障於文思殿帝賜以詩朝士皆奉詔繼和與此志並合惟修已評畫於周張楊許皆有微詞後人以爲學昉殆非所願耳又唐詩紀事全唐詩話並載文皇好詩大和中賞牡丹上謂程修已曰今京邑人傳牡丹詩誰爲首出對曰中書舍人李正封詩天香夜染衣國色朝酣酒時楊妃侍上曰粧臺前宜飲以紫金盞酒則

正封之詩見矣今紀事文皇誤作明皇詩話程修己
誤作陳修己皆可据此正之集賢直院官唐六典集
賢殿書院有書直畫直官爲直院開元十九年奏定
太子春坊中舍人正五品上職擬中書侍郎親王府
長史從四品上掌統理府寮紀綱職務志云七爲王
府長史題以榮王府者從最後書之餘不可考唐書
宗室世系憲宗二十子榮王愔嗣王令平志詳程氏
先世而不及里居篆蓋題廣平程府君文宗詩注及
名畫錄皆云冀州人廣平郡在唐乾元後爲洺州與
冀州並屬河北道修己當是洺州人本其舊望故稱

廣平因屬禹貢冀州域故亦曰冀州修已卒於京師
未歸葬志歿於□國里國上刊一字宋敏求長安志
朱雀街東第三街南有昭國坊即此里也杜荀鶴松
窗襍記載開元中有程修已善畫爲元宗誦牡丹詩
開元當是開成之誤元宗當是文宗之誤溫憲庭筠
子登進士第光啟中爲山南從事金石續編
古誌石華所載多以意義增補未足信後茲据石
本錄入而其闕泐處以續編補注之唐詩紀事所
載當是相傳之誤續編以文皇明皇爲之誤似尙
未確文皇時似無楊妃也

幽州節度押衙王公晟妻張氏墓誌

方二尺廿四行行廿四字至廿八字
不等行書石出宛平歸樓霞牟氏

大唐幽州節度隨使押衙銀青光祿大夫檢校國子祭酒太原王公夫人清河張氏墓誌

鄉貢進士李元中撰

夫人姓自軒轅之弟子揮始造安寔張羅網世掌中其職遂為氏焉
夫人家族奇常洪惟茂

著精妙淑氣稱善人寢奉養盡心於

晨堂婦

道飽恭於大族可謂金玉顯明禮樂嘉世惟孝其德惟
其仁豎立規風溫顏內外實可比於行狀也

祖歿

父濟魯儒相襲業善何曾不仕

王庭取

恣懷逸古今之有也于轍輪搖小燭切促年光

夫人無何以咸通四年正月廿日寢疾至五月廿四日
歿于幽州幽都縣界勸利坊私弟享年六十有一嗚呼
行路悼焉姻親感慟子孫泣血僉曰孝門

夫人有子四人長曰竊見任雄武軍平地柵巡檢烽鋪
大將游擊將軍試左驍衛將軍文武全材 君親選

寄弓開落鴈詞逸橫科次曰竊次曰竊次曰竊咸著義
方俱脩禮樂壯年當代名即其成時謂曰弓裘不墜矣

夫人以七月十三日禮葬于幽州幽都縣界保大鄉樊
村之原也嗚呼哀哉愴兮窀穸知白楊早落慮青松後
彫代變人移紀之陵谷乃鏤其石保其始終銘曰
人寰何限兮流年光 冥路何促兮空蒼々 明月照
墳兮下泉客 春秋來去兮高白楊 煙雲凝思兮埋
古邕 風光聲哀兮成慘傷 陵谷變移兮朝与暮
寂寞終天兮堪斷腸

袁子纂書 楊君建刻

廣韻云張姓凡十四望本自軒轅第五子揮始造弦
寔張網羅世掌其職後因氏焉誌敘姓源誤第五子

為弟子誤茲作安掌下誤衍中字文義遂不可通又
家族奇常當是異常之誤幽都今宛平縣其夫名公
晟則据後合葬誌而知也

古誌
石華

隴西李扶墓誌

方一尺五寸廿九行行字不齊自廿七字至三
十五字不等銘詞每行兩句字徑四分正書

維唐故隴西李府君墓誌銘

并序

鄉貢進士馬郁

撰

顏子淵死孔子曰德行厥躬不貲殂落命矣夫盛哉歟
府君之德壽也府君名扶其本黃帝孫顓頊之後自周
秦漢代翼衛正道軒冕不絕至後漢治書御史諱楷生

五子三子從居趙孤爲東南西宅是爲趙郡三祖二子
流寓隴西成紀而子孫回其家焉府君即成紀之後也
曾祖諱紹清名蓋代素節不仕祖諱愔抱經緯蓋世之
才負宏輿不羈之略嘗以珠紫爲玷行之服簪纓爲拘
身之械固避世林泉耻於諂諛詭佞樂道不仕□父諱
曼少耽詩酒長傲風雲逸器不群壯心獨步直志難摧
猷弃浮名虜士終老府君即虜士之子也幼而聰敏長
抱全才偶儻英明智有餘仍冠歲志學有聚螢積雪之
勤無便僻進取之佞承先人之遺志也優游雲水靡不
臻涉屈青蒲以南□吳渚北倚秦泖崗原膏腴封壤秀

楸周眎慨然有撫止之趣於是居焉及寓于此二十餘載自僚親仁閭里仰重門環多士到履之清風大行席擁琴書雅韻之良音滿室悲夫以咸通四年六月廿九日終于杜父里之第享年六十九嗚噫生也人敬之歿也人思之餘芳藹然經時益茂不朽之譽孰過於斯繇是君子佳之嗣子鉢得先人遺德不墜弓裘沉靜而潔已清敏慧而藝能

著夫人彭

城劉氏少聳婦德長峻母

儀柔淑洽聞規矩可範生二女一人適東海徐遜千卷書生一枝晉郗一人從天水趙邯秀人溫明松秋玉朗夫人汝南周氏植德無徵早從風燭生子嗣翼教有方

致茲右德育二女一人許嫁河東衛從狀贊英華傑出人表一人歸北海儲瑜溫潤而珪璋比容峭直而松筠並秀蓋府君之良選也咸抱圉腹之材皆負孤標之格嗣子娶東海徐氏前進士羣之愛女也箴規自得於家風儒墨優彰於君父嗚呼子婚身立女配今德君之幹歟家肥道直歿無餘累君之強歟培於形有生死苦樂以兒女之情悲夫至明年二月十三日卜葬于縣之允宜陵鄉白露里之原鉢號泣而言曰慮陵谷遷越俾陳辭刻石郁性卒無文諤居是邑久嚮嘉譽回敢直書握管婁神乃爲銘云

大患既形兮賢愚不一

稟生知予季而何實

必承勢兮以浮以沉

分明滅兮終得終失

菴利刃於黃泉

埋金石於白日

在火王兮寒色凜然

局重匣兮□光逾□

異神明兮不昧無欺

厚子孫兮祿壽弥益

右李扶墓誌未見箸錄石出秦中今未知所在碑

敘先世云後漢治書御史諱楷云云案唐書宰相

世系表楷字雄方晉司農丞治書侍御史避趙王

倫之難徙居常山五子輯晃芬勁叡叡子勛兄弟

居巷東勁子盛兄弟居巷西故叡爲東祖芬與弟

勁共稱西祖輯與弟晃共稱南祖此即志所稱趙
郡三祖也惟以治書御史爲後漢官恐志之誤耳
表又云輯字護宗高密太守子慎散居柏仁子孫
甚微與晃南徙故壘故輯晃皆稱南祖誌所稱二
子流寓者疑即指此而不相脗合誌又不言二子
之名恐馬郁之失於考覈耳表載真之子名紹官
殷州別駕非即扶之曾祖世代懸殊蓋別一李紹
也表又有三李紹均非其人

咸通額文

長存四寸一分厚一寸
四分正書在陽湖呂氏

唐咸通五年京地

修中嶽廟記

高四尺三分廣二尺二分廿四行行四十
六字字徑五六分有界格正書在登封

修中嶽廟記

朝散郎守登封縣令李方郁謹撰

上四年用

大司計侍郎爲丞相其明年以

我

相秉樞機

我公掌

綸誥宜爲避嫌遂自

閣下拜河南□尹將

辭上悄然謂

公曰前時洛水爲災洛邑大潰四走

無逃至有沒死者豈勝其冤耶而

公今去

我□東顧之患矣 公既至理事先以恤民為寄生活
瘞死大開廩庾賑貧乏飽飢腸暖寒體極于畿甸靡不
周咨而又獨逋租□徭賦俾安穩其起居勤強其事業
故達迹之民相賀而歌曰天災流行兮代有下民昏墊
兮時數命無以逃兮諒自嗟豈將天怒 我尹之慰恤
兮實解予之愁苦夫得耕兮婦得織日出得作兮日入
得息此固

我君之憂民兮俾 我尹之來即又歌曰明明在上兮

天子聖四方取則兮 我公令疲民蘇息兮 公之政

一日將去方誰活我之性命其都之南嵩嶽擴巨其嶽
有廟距都百里每歲夏季日直土用 御署祝文用

犧牲粢盛醴齊庶品

詔 我公有事于 王禮既

公周視廟宇堂殿廊廡見其崩陟圯毀剝癯頽墮垣
牖湧靡榱棟失次梁拱老敝顧謂其邑令李方郁曰

吾聞大地列嶽五嵩山居其一其嶽棲中天群峯蒼翠

異色其巒巒重疊異狀其出雲霧變異氣其草木森聳
異岵其葩卉薈異香其禽鳥間關異聽其溪澗澗澗
異流若此之狀觸目周匝四時迭觀平吐氣象環一山
之上道宮佛寺高閣危樓盡萃其中

我國家以神之靈素神之形俾神之明福我蒼生戢戢其紆整整其衣兵仗駢列羽衛參差

天子以時視三公禮而祠之要神之德既厚矣報神之功亦重矣所宜威壯形容華煥宮宇奈何以危毀至是俾尔旦之進拜禱祝將何瞻仰乎 我今出府庫十萬恣以功用尔宜專其事俾尔心與 吾心不可以異方郁謹再拜受 命退而自言曰方郁爲吏稟指使上不致罔 公中不可欺神下不能苦旦豈可不成耶遂鳩工歲事四旬而就見若赤白之交暎矣見若更五之兮輝矣見若棖桶之杓繪矣見若拱斗之光赫矣見若簷

溜之轟截矣見若清壠之端隆矣見若戶牖之照燭矣
見若垣墉之齊削矣旭日明媚夾壇殿之飛輦朝霞卷
舒助峯巒之起秀則知公之指制可以邁古冠今使
海內神廟修潔崇盛無逾於中嶽公天發晶朗嶽鍾
秀粹群妙符識萬頃澄襟瓊樹冰壺含澈於神宇黃鐘
朱瑟鏗奏於文章况公尹正之能撫已之美愚知其
不日而將與吾相連枝於台座之中致美於
廟堂之內將吾君岌立于堯舜之上措吾已登壽
於遂古之際必矣方郁忝官在縣行及秩滿特蒙
公錄以微績上表量留付之修飾輒敢叙德紀事刊

石以記時咸通六年二月五日謹述

右修中祿廟記李方郁撰無書人姓氏在登封碑
云上四年用大司計侍郎爲丞相其明年以我相
秉樞機我公掌綸誥宜爲避嫌遂自閣下拜河南
□尹後又有連枝於台座之中一語則其時之河
南尹與丞相爲兄弟可知攷新唐書懿宗紀咸通
四年五月翰林學士承旨兵部侍郎楊收同中書
門下平章事閏六月兵部侍郎判度支曹確同中
書門下平章事此云大司計侍郎當即曹確也楊
收弟嚴以收知政請補外拜浙東觀察使非河南

尹然則當時之尹河南者蓋曹確之弟汾也而新書不言其爲河南尹唯宏簡錄曹確傳云弟汾亦進士累官尚書郎知制誥拜中書舍人出爲河南尹據此則相之爲曹確尹之爲曹汾無疑汾知制誥拜中書舍人碑故有公掌綸誥及遂自閣下之語也確字剛中河南人汾官終戶部侍郎判度支碑又云前時洛水爲災洛邑大潰案五行志成通五年以前言洛溢者十有五最近爲大厯元年言洛州水者惟永徽六年久視元年距咸通時甚遠言河南水者十有七最近爲大和四年通鑑於大

中十二年記河南北淮南大水而五行志云魏博
幽鎮充鄆滑汴宋舒壽和潤等州水害稼徐泗等
州水深五丈漂沒數萬家而不及洛豈碑所謂前
時者即指大中十二年之水歟抑第約言之而非
必專指一年歟碑云素神之形素即埭字今俗作
塑埭字不見於字書疑是𤑔字或𤑔字義不可解
未敢臆說犧牲字作从月大謬其餘別體亦多

甲戌六月伊臣甥復以此碑見寄右方上下角損
缺餘亦有平漫處較廿年前所得本少廿九字矣
伊臣謂縣志說嵩皆云碑佚無攷碑具在也嘗以

全唐文及說嵩所載校勘之嶽棧中天唐文棲作
峙說嵩誤作樓平吐俱作啞吐素神唐文作塑說
嵩誤作噤恣以功用唐文作資說嵩作貲𤑔五俱
作金碧遂古俱作遂至說嵩天怒怒作恕季夏日
下無直字土作上威壯壯作吐禱祝祝作祀功用
功作助則碑與唐文無異說嵩之誤耳以此論之
蓋原石無存後人以舊拓本重摹勒於嵩山也峙
與棲金碧與𤑔五形不相似殆舊本此數字僅存
一二筆蹤故有此誤至素恣遂二字當尙是唐人
原本

處士王仲建暨張氏合祔誌

方一尺四寸五分廿七行行字不一字
徑五分正書直界格在孟縣篆蓋未見

唐故太原郡王處士墓誌銘

鄉貢進士張魏賓撰兼書

在首行
下方

太皞爰興木德啓姁周之運靈王少海緱嶺表登僊之
慶故王之命氏始乎太子晉、生龜襲封于太原今為
郡人也廿四代祖褒仕晉為大將軍以孝敬動天榮芳
國史流祚萬世忠貞顯隆軒冕官常有國皆有不復備
列于斯誌 君諱仲建字彥初即將軍之遠派也 曾
祖隣迨 皇考坤咸以博識著稱委簪紱有羈縻之患

故遁俗不仕 府君乃坤之次子矣幼而庶慎長而剛
毅偉其貞而孝於家睦乎宗而潔諸已訥言敏行金穴
山藏周捨無遺鶉駟一致誠明諒直清簡洽聞涵頴銳
於鋒鏑極逍遙於大道武齊樂伯劍敵莊周縱雄辯而
嶰谷潛暄攄麗藻而綺霞爭秀志高氣遠稟象紫微當
豹隱之餘芳應處士之嘉号非 公而孰能與於此哉
識者以為懷寶不耀至信自彰探老氏之希夷固全真
於物外者也方欲鍊形羽□漱液丹霄存神於罔象之
中抱一於杳冥之內將宣平生之大節豈料尋師未遂
涉水俄侵賈生之鵬鳥遽延排寢之搏膺斯及嗚呼春

秋六十以疾不閒終于河梁之別業 公娶清河張氏

乃班孟之名家胎訓之清譽蘋蘩繼代中饋祖禰之母

儀耳故能有子一人焉曰知教實令嗣也自韶季卅歲

所好所慕已脫落常態及成童伯仲以孝經授見末章

有裂骨之痛親屬以為曾閔之正俾專就養克符竭力

之仁捧藥問安式展回心之孝銜酸茹恨泣血穹蒼擗

地捫心幾將滅性於廬次悲夫 繼夫人 安氏泚

順閨闔亦盡敬姜之禮知教乃抑情斂涕罄彼楫家剋

已勵精冀終大事以其年歲在乙酉十月己酉朔廿二

日庚午至孝由是哭踊無時徒跣備先王之制列儀旌

自三城護 府君之神座歸葬於河陽縣豐平鄉趙村
之北原附 大塋啓 先夫人之舊窆合柩於斯禮也
尙念鍾岳圯毀江甌摧頽秣數有期堙滅無紀請編是
誄於泉壙魏賓嘗游館穀竊覲徽音直筆其詞用旌孝
子之慕孺乃作銘云

王氏盛業姬周弈世降及仙才浮邱以濟元偉孝悌仕
晉文帝義烈汪洋忠貞昭晰以至于公克揚嘉裔猗歟
府君以大其先嗟々夫人柔順其賢孝子號天哀親奔
損威靈陶鶴相彼何阡峯巒巋氣魄聯綿五黑之悲
涼奚及陸機之雅賦依然檜栢秋月春松暮煙庶山川

之不易標誌誅於他年

右誌出自孟縣西河渾無年號以乙酉唐代甲子考之知是咸通六年造也乾隆乙酉入志馮敏昌記

右刻

石尾

碑云廿四代祖褒仕晉爲大將軍銘云元偉孝悌仕晉文帝晉書孝友傳王哀字偉元以哀作褒偉元作

元偉當由撰碑人誤記

平津讀碑記

按唐代乙酉凡五魚山斷以咸通六年蓋以誌文及書皆非盛唐人手筆也誌中姬作矩絜作絜貌作貞稟作稟隱作隱罔作罔豈作豈饋作饋稱作稱展作

展哭作哭摧作權晉作晉鶴作鶴標作標孺作孺

古誌

石華

按通鑑目錄咸通六年八月己酉朔十一月戊寅朔此稱十月己酉朔是八九月大盡十月小盡十一月正得戊寅朔馮氏定爲咸通六年無疑也古誌石華載此誌有篆蓋題唐故太原郡王府君清河張夫人墓誌銘十六字此本從松坪借錄未見篆蓋附識之石華所載誤著稱爲具稱誤祖禰爲相徧并以徧爲稱字誤滋甚矣又逍遙作消遙徧順作淋訓亦誤其餘字體訛俗可不盡舉

長安尉楊籌妾王氏墓誌

方一尺五分廿一行行廿
字廿一字字徑五分正書

前長安縣尉楊籌女母王氏墓誌

王氏小字嬌嬌長号卿雲汴州開封人幼失怙恃鞠於
二女兄之手長女兄以善音律歸于 故相國盧公鈞
卿因女兄遂習歌舞藝頗得出藍之妙宏農人初以音
律知遂用綵問於女兄唐咸通庚辰歲子月遂歸于楊
氏未幾楊子以罪逆授 天罰待死于長安萬年裔
村曰庫谷王氏固非宜留將歸女兄堅不去願同坎于
荒墅

太夫人念其孝謹因許之寒暑三周脩嘗茶藜奉
上
和衆端貞柔澣在楊氏五年東如一日楊氏德其孝謹
遂忘前所謂出藍之妙方思微霜俸祿且酬其勞不幸
以甲申歲午月遘時癘姪且病醫餌有所妨故天豎得
以成禍以其月四日誕一子子踰臘而終銘曰

父王母高芳作媵于楊

始□音知芳終于行彰

其家干指芳劒戟鋒鏑

虜于其間芳卒無短長

善非爲善芳天受其感

心雖猶面芳無從而傷

楊子命奇芳茶藜脩嘗

衣不暖體芳食不充腸

歲月遲遲芳五周星霜

人不堪憂芳卿不改康

宜有豐報芳白首相將

如何天奪芳二九其芳

風露猶清芳日月猶光

蘭薰玉潔芳不可弭忘

籌字本勝天平軍節度使漢公第三子登進士第官

監察御史見唐書楊虞卿傳及宰相世系表

古誌
石華

古誌石華次於咸通五年補訪碑錄亦然案文云

以其月四日誕一子子踰臘而終是五年五月乃

其誕子之日子踰臘而終是王氏卒於六年否則

葬在明年也終于行彰石華誤于爲以音知上石

華作以原石已曼患矣

徐功參軍劉仕備墓誌

高一尺四寸五分廣一尺四寸二分廿行行字不齊
字徑五分許正書向藏漢陽葉氏今在太倉錢氏

唐故朝議郎守徐州功曹叅軍上柱國劉公墓誌銘

御食使登事郎上柱國賜緋魚袋張翊撰并書

公諱仕輔字元同彭城人也 祖諱光奇開府知內侍

省事父皇諱英閏特進 太夫人楊氏 妻張氏先終

公有二女長適田氏次適張氏二男曰壽郎先逝次曰

齊宴年十二公氣含清韻獨異貞姿業廣藝深事皆天

假孤標狀高松之扶衆林朗質若秋蟾之懸碧落溫 恭

克己卽儉修身順協于家忠貞於國公寶厯二年六月

五日奏授出身累叅選序數授令丞後任 徐州功曹 叅

公紀綱一郡椽理六聯清貧而吏靡忍欺單步而人

懷其惠操心政理美譽溢彰枳棘非鸞鳳之所栖百里

豈大賢之所任公性親元奧志暮雲霞朝披黃老之書

暮覽南華之要諡躑每歎蟬蛻埽元身既離於俗塵名

之著於紫府公咸通七年十二月一日終於輔興里春

秋八十矣八年正月廿三日葬于長安縣龍首鄉祁

村嗚呼寒暑忽侵綿繆數載針藥無療百齡斯泯嗟夫

盛衰生死實可痛哉乃為銘波瀾不息逝水孱孱

浩浩悲風摧口何遑千生永訣一往無還

咸通八年正月廿五日

誌稱父皇諱英閏特進當作父諱英閏皇特進書碑者誤乙公終於輔興里長安志輔興坊在朱雀街第三街西修德坊之南

平津讀碑記

誌敘仕備之父曰皇諱英閏特進皇字當是衍文特進乃其官階太宗昭陵諸碑內豆盧寬碑額曰唐故特進芮定公之碑不敘其由某階特進某階亦此例也又撰書此誌之張元勿署銜曰登事郎唐制初入仕版者由將仕郎進授登仕郎後劉遵禮誌所云開成五年授將仕郎會昌元年授登仕郎是也此云登事郎疑是筆誤誌中宴作宴聯作聯侵作侵公寶厯

二年公紀綱一郡公性親元奧三公字皆可刪公咸
通七年公字當作以

古誌
石華

按劉仕補墓志銘嘉慶中出於長安張豸撰書字書
無豸字當即𧠨字變體作豸省文作豸也上柱國正
二品勳官朝議郎正六品上上州諸參軍從七品下
御食使即正九品之尙食唐職官志正八品上有給
事郎正八品下有徵事郎正九品下有登仕郎而張
豸散官結銜作登事者或避仕補諱故改仕為事耶
並帶上柱國勳高職卑殆即舊書所謂以門蔭結品
參差不定者歟龍首鄉在今咸寧縣南龍首原上

金石

續編

碑文闕損据續編補注之仕事古通石華以爲筆
誤恐未必然續編謂或避仕備諱則可決其非朝
議奉議或書作義碑版中恆有之與此正同撰人
名石華作元勿續編作彖以拓本審之却似單字
名唐刻中尙少擠寫之習然勿字右旁並無撇捺
續編亦未足据豈數十年間石經磨泐耶修作修
綱作綱掾作椽美作羨栖作栖栖乃遷字从木从
手往往互淆潺作孱石華未舉 此誌向藏漢陽
葉氏存置京寓崑臣潤臣先後物故其後人懼所

蓄之遺佚悉數扃固密室輒石封之不意猝遭回祿金石書畫經史圖籍向所稱爲熾富者一旦盡成灰燼越數月伊臣甥因事入都過其墟裴回久之瞥見水溝片石似有文字檢視則此誌之後幅也固復於瓦礫中徧加剔抉最後於馬樞閒獲此前幅尙少一角則不可復得矣兒子繼燿拓以郵寄並述其顛末如此因即書此以志感慨并喜伊臣之抗志希古留心物色將來必不出吾下也

祕書郎李邕妻宇文氏墓誌

方一尺四寸廿四行行廿七字字徑四分書人名一行三字略大正書在長安

唐祕書省祕書郎李君夫人宇文氏墓誌銘

并序

此行

低四格

朝議郎祕書省祕郎柱国李郴撰

此行低七格

夫人姓宇文氏初代武川人太和平遷居洛陽遂為河南人也其先曰瑞命氏周紀脩詳至於尊爵顯名勲烈赫赫者則史不絕書矣高祖遠感皇任梁王掾曾祖成器皇任絳州翼城縣丞贈禮部員外郎祖邁皇任御史中丞左遷澧州刺史贈太尉父瓚見任右散騎常侍常侍公妻故太子司議郎博陵崔櫓女夫人年始十餘歲而崔夫人亡喪禮成人識者異之而又生稟直氣幼

知禮法言必聳尊卑之聽動不假保傅之訓雍睦兄弟
令族罕儔組繡竒工之暇獨掩身研書偷翫經籍潛學
密識人不能探工五言七言詩詞皆雅正 常侍公

每賢之為人曰是女當宜配科名人咸通甲申歲因丞
相今宛陵 楊公媒適隴西李邕任以內事夫人姓鄧
華飭而安儉薄時邕官守京兆府叅軍也明年邕改長
安尉其夏轉監察御史裏行充湖南都團練判官又明
年 勅拜秘書郎其赴職也携手同去其拜官也偕
行而來又明年春夫人得疾長安宣平里九十日啓手
足而化是歲丁亥夏四月辛卯享年叅拾有壹

常侍公哀慟致疾其於追傷痛惜如掌失明珠耳由三族六姻無不泣涕如雨以其年八月壬申歸葬長安縣承平鄉龍首原南劉村村先塋禮也有子四人女二人長曰召前婺州義烏縣尉次曰吉前宣州溧水縣尉次曰占授滁州永陽縣主簿以親喪不之任幼曰同前明經柳執筆 追悼因誌于石銘曰

夫人爲女方既孝且明

字空五

夫人爲婦方既順而貞

何善則周方其福不并

何松之茂方而柳之榮

無所詰問方地幽天冥

親者泣血方疎者涕零

謹其終始方而刻斯銘

悲哉夫人方永閼泉扃

楚封書

右李郴妻宇文氏志在長安攷新唐書宰相世系表宇文氏出自匈奴南單于之裔有葛烏兔爲鮮卑君長世襲大人至普回因獵得玉璽自以爲天授也俗謂天子爲宇文因號宇文氏志所謂其先因瑞命氏者此也表又云拔拔陵陵號阿若諺仕後魏都牧主開府儀同三司安定忠侯以豪傑徙居代州武川志所謂初代武川人者此也志又云太和中遷居洛陽則表所未詳志敘夫人先世云高祖遠祖曾祖成器祖逌父瓚表於洛之後載有

邈御史中丞邈之子鼎字周重瓚字禮用是即夫
人之祖若父也邈之祖父表所未載邈不言澧州
刺史瓚不言右散騎常侍皆表之闕漏再表有離
惑系邈之高祖行此志所列遠惑當是離惑之昆
季爲邈之曾祖是表又差一世矣皆可據志補正
之遠惑爲梁王掾梁王者高祖之弟澄所封也志
有云丞相宛陵楊公者當是收也李郴父子名皆
不見於史志所列郡縣名皆與史合惟溧水屬昇
州此志系以宣州者上元二年廢昇州改隸宣州
至僖宗光啟二年始復昇州故此志尙稱宣州並

無不符夫人以八月壬申歸葬是年八月丁卯朔
壬申為六日志稱夫人有子四人女二人據序言
夫人於咸通甲申適李郴丁亥卒是夫人于歸後
僅歷四載安得有四子俱任尉簿舉明經者殆李
郴之繼娶也文內為人曰以為作謂華飭以飭為
飾壹字缺筆作言不知其故字文邈為澧州刺史
李郴為湖南都團練判官湖南通志官表所未及
今方續輯志乘識之以備採訪

咸通題字

一行
九字

咸通十三年二月八日

此與駝山造象諸刻同得之於帖賈疑亦在駝山者不審是造象後紀年否

高壁鎮通濟橋記

高二尺二寸廣三尺四寸共卅四行行廿字至廿五字不等字徑六分許行書在靈石

河東節度高壁鎮新建通濟橋記

蘭陵蕭珙撰

粵茲雄鎮寔河東軍之要津封接蒲城當舜夏墟之舊地有關曰陰地有亭曰鴈歸固晉川之一隅通汾水之千汎金濤洶湧林麓森沉東控介巒西連白壁峯巔方

仞壁峭千尋足食足兵有威有固則代郡鴈門何越之

有至若駟騎星馳華軒雲湊往返駢

闕者皆

中朝名士悉懸駕于鴈歸亭未嘗不題藻句紀年代也

西南

松

門洞豁逕通千里巖巘隱映朋輪攀者居焉皇

曠遺運者衆混流箭激不可渡之雖有葉舟過者懷疑
或覆溺谿人或駐滯遊子凡經渡者咸有咨憤之詞伏

會

兵馬使清河張公領是鎮初有閑人百姓等偕詣

柳營請勅建長橋以導達津阻 公挺雋人表導全禮

樂器兼經濟才為時生深惻隱運良籌允所陳而占節

級僉曰吾北離旌櫓南過斯軍致舟車不便眾有威容
胡爲閔河字人矣遂請當鎮咸通觀音院主法大德普
安激勸朋輩結聚青鳬兼自減月俸以咸通九年戊子
歲五月九日興良工政綱條畢能乘時逐便自利出材
勉爲甘言賞勵短匠不日果成是橋長一百尺濶一丈
五尺下去水四十尺剗置門屋立鑲鑰安華表柱俾閤
者潔嚴掌轄署其名曰通渚其橋南有古之魯氏石橋
雖名楊褒海而通渚之義莫大茲也由是自莘亭閭虹
樑飛鵲脚架雲棧迨朱檻化鯨鯨於洪波騰華鶴於朱
戶炳煥方面蓋以壯皇家天外北門之呵扼耳曩者亭

際中流有恠石感浪聲碎轟若雷霆震而不息兩堤人
□辯其言音狀有蛟螭潛處其下居者嘗虞竿如其積
咎

公以建稿之日奠餽酒祝之其聲頓止是□□規風振
俗地應昭彰故得磊落蛟聲潛殂水府以表

我公之勲業巍巍乎愚才非敏達得不紀茲殊績輒綴

斯文用刊貞石是十四年壬辰四月十五日紀

節度衙前兵馬使勾當開鎮務銀青光祿大夫檢校

太子賓客上柱國張諗 儒林郎守靈石縣令路誨

承務郎行靈石縣主簿裴□ 軍判官宣德郎試

汝州長史馬瞻 十將雲麾將軍試殿中監梁季真

後失拓

代郡鴈門北方之險有盧龍飛狐句注天下之阻記
言高壁之威固何越鴈門蓋亦當時雄鎮矣記又云
松門巖巖輸礮者居焉則是鎮西南爲產礮之所惜
當時諸史未得其徵嘗見元豐九域志晉州城南有
煉礮務慶厯元年置西北七十里霍爲晉屬靈石又
與霍近當是毗連數邑皆有礮山此記旣及輸礮則
唐時已開礮務不始於宋仁宗之世也兵馬使清河
張公卽張諗節度衙前兵馬使勾當關鎮務與軍判

官當由節度所辟未詳官品曰高壁鎮曰通濟橋曰
陰地關明一統志縣南二十里汾水西曰鴈歸亭曰
松門曰魯氏石橋曰咸通觀音院皆足備輿地之勝
金石續編

此拓未全蓋遺一紙矣後幅有權副將勾押官押
衙虞侯將虞侯押官庫官印官使官橫巡稅木官
糧料官行問官直頭行官城局外巡諸名目凡五
十八人皆節度所屬又有橋門子應諸火山施主
造橋邑長邑人都勾當都料匠老人鑄字人姓氏
六十人金石續編具載焉且作呈避諱改字青蚨

作鳧蝦螻作蜚因聲假借可廣異文華作葦煥作
煖俗譌餘不悉具

張常消殘碑

高廣不計存十七行行字不
等字徑五分行書在句容

勸令飲

之憂匪唯一

兄之賢非□□

雖庸愚備知盛美竊

佑我唐馬生張君今名是

行不忒節彼高墳巍然如岡

州真甯縣□□□□□□立□□

墓三載人到□□稱之□吳郡生

其道假戾者為之恭恪悖謬者為

職是務□金□□□□御史諱□為清時

淮泗大君之□□文人之嘉□

親愛以順交朋友以信□師知

長□喟然歎息□□□□出琴

惟孝有□□□□乎不朽君□

傾之□□百行□先□□

乃立貞石是昭是□豎碑既□□□

潤州句容縣令呂倕

奉義郎行丞

句容領副史裴斌錄

咸通十

集古錄有唐孝子張常洸旌表碣貞元五年立別有
咸通十三年碑予在句容張氏義臺得其殘石一片
後有潤州句容縣令呂倕及咸通十等字寶刻類編
載張府君旌表碑唐王承福書雷珍題額咸通十三
年引諸道石刻錄即其碑也今張氏之裔奔于階下
自余拓本以存故迹惜不得其全文併載於此碑所
謂節彼高墳者今在義臺西北後人不知是張氏父

母葬處指為古冢又為街道居民隔絕僅以廬墓處

為孝子祠耳

續古文苑注

右碑正書石已殘缺在句容義臺孝子名常洧有廬墓之行集錄中有其碑目今已不存此碑殆建中時縣令呂倕所立故中有其名碑側又有咸通時題名也

江甯金石記

右孝子張常洧殘碑江甯金石志載有此文碑甚磨泐据以補注於旁志所舛錯仍依石本更正之第六行首有志字十七行首有朝口郎三字石已缺損不復錄入攷近本集古錄跋尾張常洧旌表

碣注貞觀五年集古錄目張常洵孝行碑并旌表
碣贊云貞元五年旌表是跋尾作貞觀者誤也續
古文苑据句容縣志錄張常洵紀孝行碑注云孝
子父建中四年癸酉歿廬墓六年以明年貞元五
年己巳立此碑案紀孝行碑云三紀於茲情猶一
日此碑亦有墓三載字孫謂廬墓六年未知所据
顧與此碑無涉可勿深考据紀孝行碑常洵字巨
川高祖伯卿曾祖克紹祖處靜烏程縣令父璋建
州司戶常洵即建州第四子也文有云其兄常泳
勸令飲食此存勸令飲三字又云吾負終身之憂

匪唯一日之戚此存之憂匪唯一五字又云非令弟無以知兄之賢非仁兄無以成弟之美此存兄之賢非四字又有孚雖庸愚備知盛美竊以寵錫之命云云此存雖庸愚備知盛美竊八字又云保佑我唐篤生張君令名是揚此僅缺保揚二字又云志行不貳節彼高墳巍然如崗此僅缺一志字是此碑前半所載即係紀孝行碑之文後半所述或重建祠宇而作也江甯金石志謂建中時縣令呂倕所立恐未必然茲據寶刻類編列咸通十三年

八瓊室金石補正卷七十六終